



佛光普照，不燒衆

智 銘

「大智度論」集粹之八

佛陀世尊，常以光明徧照三千大千世界，若有衆生遇佛光者，必得阿耨多羅三藐三菩提。釋迦牟尼佛身光無量，或一丈、百丈、千丈，萬億乃至滿三千大千世界。但五濁惡世，衆生少德、少智，只受一丈光明。若受多光，衆生薄福鈍根，目不堪明，如人見太陽光，久則失明，以光盛眼微故。若衆生利根福重，佛則爲之現無量光明。有人見佛常光，歡喜得度，必至阿耨多羅三藐三菩提。

世尊復出廣長舌相，熙怡微笑，結跏趺坐，說六波羅蜜，衆生聞者，得阿耨多羅三藐三菩提。摩訶波羅蜜甚深，難解難知，難可信受，是故佛出廣長舌相爲證，舌相如是，語必真實，使不信者得信，信者得大果報。

六波羅蜜與般若波羅蜜，一法無異。惟是五波羅蜜，若不得般若波羅蜜，即不名波羅蜜。如檀波羅蜜不得般若波羅蜜，沒在世界有盡法中，或得阿羅漢，辟支佛道般涅槃。若得般若波羅蜜共合，是名波羅蜜，能至佛道。以是故，般若波羅蜜與六波羅蜜，一法無異。般若波羅蜜有二種：一者、莊嚴。二者、未莊嚴。如人著好瓔珞莊嚴其身，有人不著，名未莊嚴。佛說六波羅蜜，一切衆生本應盡皆得度，但三障三惡道中衆生，不能解知；人中天上，若大小，若大老，若大病，及上無色無想天，皆不能聞，不得知。即使能聞、能知衆生，亦不盡皆得道，蓋結使業障故；有人於結使重，常爲結使覆心，以是故，不盡得道。當今衆生，生

在惡世，則入三障中。生在佛後，不善業報，或有世界惡罪業障，或有厚重結使障。墮在佛後，人多爲厚重結使所障：或淫欲薄而瞋恚厚，瞋恚薄而淫欲厚，淫欲薄而愚癡厚，愚癡薄而瞋恚厚。如是等展轉互有厚薄，是結使障故。不聞不知化佛說法，不見諸佛光明，何況得道。譬如盲人，不見日出，便謂世間無有日月，而日月何咎？雖聖人有大慈心，不能令皆聞皆見。若罪欲滅，福將生者，是時乃得見佛聞法。

三千大千世界衆生，因種種結使業障故，有盲者、聾者、啞者、狂者、亂者、裸者、饑渴者、病者、殘者，佛陀大慈大悲，一一救度。盲者有先世業因緣失明，有今世若病若打故失明，共令得智慧眼。聾者是先世因緣：師父教訓不聽，不受不行而反生瞋恚。或因破衆生耳、盜佛塔、僧塔及諸善人福田中犍椎、鈴、貝、鼓等種種先世業因緣故聾。今世因緣若打、若病而聾。佛世尊能令得聽。啞者：因先世截他舌、塞其口或與惡藥令不得語、或聞師教、父母教勅，斷其語，非其教，或作惡邪人，不信罪福，破正語。受地獄罪出，生世爲人，啞不能言。如是種種因緣故，啞，佛世尊能令得言。狂者：先世作罪，破他坐禪，破坐禪舍，以諸咒術咒人，令瞋鬥諍淫欲。今世則因結使厚重，使身心錯亂失調，種種因緣促使所致，如大憂愁、大瞋不能自制、愚癡惡邪、若風病熱病等種種失心而狂者，得見佛故，狂即得正。因狂而

裸者，並得衣。亂者：心多散亂，志如獼猴，不能專住，是名亂心。亂心因緣，是善心轉薄，隨逐不善，是名心亂。復次，是人觀無常，不觀死相，不觀世空、愛著壽命、計念事務、種種馳散，是故心亂。復次，不得佛法中內樂，外求樂事，隨逐樂因，是故心亂。如是亂心人，得見佛故，其心得定。饑者：先世因緣，如奪佛、阿羅漢、辟支佛食，及父母親食，以罪重故，雖值佛世，猶故饑渴。佛光觸身，令不饑渴。病者：先世業報故，得種種病。今世冷熱風發故，亦得種種病。今世病有二種：一者、內病，五臟不調，結堅宿疾。二者、外病，奔車逸馬，堆壓墜落，兵刃刀仗，種種諸病。諸象生有四百零四種病，以佛神力故，令病者得癒。形殘者：若有人先世破他身，截其頭，斬其手足，破種種身分。或壞佛像、毀佛像鼻及諸賢聖形像，或破父母形像，以是罪故，受形多不具足。若今世被賊，或被刑戮，種種因緣，以致殘毀。蒙佛大恩，皆得具足。

佛陀同體大悲，一切象生亦皆等心相視：如父如母，如兄弟，如姊如妹，亦如親親及善知識。等心者，非禪中等，是於一切象生中，無怨無恚，以此等故，善心相視。又經中有言：「云何等心？相視如父母，是名等心。」見老者如父母，見長者如兄弟，少者如弟，姊妹亦爾。等心力故，皆如親親。一切象生無量世中，無非父母、兄弟、姊妹、親親。復次，實相法中，無父母兄弟，人著吾我，顛倒計故，名為父母、兄弟。今以善心力故，相視如父如母，非妄語也。再者，如人以義相親，非父事之為父，非母事之為母，兄弟、兒子亦復如是。如人有子行惡，黜而棄之，他姓善行，養以為子，如是相視，則為等心。偈云：「視他婦如母，見他財如火，一切如親親，如是名等心。」

象生行十善業道者，身業道三種：不殺、不盜、不邪淫。口業道四種：不妄語、不兩舌、不惡口、不綺語。意業道三種：不貪、不惱害、不邪見。自不殺生，不教他殺，讚不殺者，見人不殺代其歡喜。行十善道，無諸瑕穢者，恬然快樂。是樂二種：內樂、涅槃樂。是樂不從五塵生，譬如石泉，水中自出，不從外來。心樂亦如是。行等心、修梵行、得十善業道，清淨無穢，是名

內樂。是樂欲界繫、亦不繫。非色、無色界繫。此欲界心生喜樂，一切滿身，柔軟和樂。不繫者，得般若波羅蜜相，觀諸法不生不滅，得實智慧，心無所著，無相之樂，是為不繫。

樂有二種：有受樂、有受盡樂。受盡樂者，一切五陰盡更不生，是無餘涅槃樂。能除憂愁煩惱，心中歡喜，是名樂受。如是樂受滿足，在第三禪中，以是故言：「譬如第三禪樂。」一切三界中，除三禪更無意識相應樂根。是五識不能分別。不知名字相，眼識生如彈指頃，意識已生。以是故，五識相應樂根不能滿足，意識相應樂根能滿足樂。以是故，三禪中諸功德少，樂多故，無背捨、勝處、一切入。過是三禪更無樂，以是故言：「譬如比丘入第三禪，一切象生皆得妙慧，持戒自守，不憍象生。」

人未得樂，能作功德，既得樂已，心著樂多故，不作功德。是故樂後次第心得好慧。好慧者，持戒自守，不憍象生。身、口善，是名持戒，檢心就善，是名自守，亦名不憍象生。一切諸功德，皆戒身、定身、慧身所攝。言好持戒，是戒身攝。好自守，是定身攝。不憍象生，禪中慈等諸功德，是慧身攝。

有人著世界法，訶好持戒者言：「捨家好持戒，是為斷種人。又以自力得財，廣作功德，如有有福。出家乞食，自身不給，何能作諸功德？」

有著世界治道人，訶好自守者言：「人當以法治世，賞善罰惡，法不可犯，不捨尊親，立法濟世，所益者大，何用獨善其身，自守無事？世亂而不理，人急而不救？」

亦有人訶好不憍象生者言：「有怨不能報，有賊不能擊，惡人不能治，有罪無以肅，不能却患救難，默然無益。何用此為？」

以上等種種不善語，名為訶不憍象生。佛世尊導人以十善，教育世人，啟發心智，各自好修。非「以怨報怨」，「以惡治惡」，須知：賞善罰惡，乃是業行，仍墮六道。故諸天人，皆得好慧，持戒自守，不憍象生，行是善法，身心安隱，無所畏懼，無熱無惱，有好名善譽，人所愛敬，是為向涅槃門。命欲終時，見福心喜，無憂無悔。以是故言：得好慧，持戒自守，不憍象生。

(完)